

Pidato Antarabangsa Bahasa Melayu Piala Perdana Menteri 2026

# Pidato medium perkasa bahasa Melayu pada peringkat global

Penyertaan aktif mahasiswa antarabangsa cerminkan daya tarikan bahasa kebangsaan untuk dipelajari

Oleh **Fatin Farissha Hasbullah**  
bhnews@bh.com.my

**Kuala Lumpur:** Bahasa Melayu masih relevan sebagai medium penguapan intelektual dan pertukaran idea peringkat global dalam era perubahan pantas teknologi.

Kementerian Pendidikan Tinggi (KPT) dalam kenyataan berkata, martabat tinggi bahasa itu terpancar menerusi Pidato Antarabangsa Bahasa Melayu Piala Perdana Menteri 2026, baru-baru ini.

“Penyertaan aktif mahasiswa antarabangsa yang fasih berbahasa Melayu mencerminkan daya tarikan bahasa kebangsaan untuk dipelajari dan digunakan secara meluas di peringkat antarabangsa.

“Penganjuran kali ke-16 ini



Abdullayeva Madinabonu dinobatkan sebagai juara Pidato Antarabangsa Bahasa Melayu Piala Perdana Menteri 2026 kategori Antarabangsa, kelmarin.

(Foto BERNAMA)

menjadi platform dalam memperluas penggunaan bahasa Melayu sebagai alat penghubung ilmu, komunikasi dan diplomasi yang merentasi sempadan budaya serta tamadun dunia,” katanya.

Pelajar dari Uzbekistan, Abdullayeva Madinabonu Nizomid-

in Qizi, dinobatkan sebagai johan bagi Kategori Antarabangsa pada pertandingan akhir Jumaat lalu, di Pusat Pelancongan Malaysia (MaTIC).

Tempat kedua dimenangi oleh pelajar Lomonosov Moscow State University, Russia, Sergei Erma-

kov dan tempat ketiga milik Qiu Ziyi, pelajar Beijing Foreign Studies University, China.

Bagi Kategori Alam Melayu, johan disandang Aiena Batrisyia Sulaiman daripada Universiti Islam Antarabangsa Malaysia (UIAM); Mohamad Iqbal Sopian

Saputra daripada Universiti Tanjungpura, Indonesia (naib johan) dan Khairul Nur Ayuni Rodzan Khairul daripada Universiti Malaya (UM) di tempat ketiga.

## Penyertaan 21 negara

Bagi Kategori Pelajar Antarabangsa di Malaysia, dimenangi oleh Amna Masood dari Pakistan dari Universiti Kuala Lumpur (UniKL); tempat kedua, Aisyah Hikmah dari Burundi yang menuntut di Universiti Tun Hussein Onn Malaysia (UTHM), dan tempat ketiga, Amr Ibrahim Yusuf dari Mesir, yang menuntut di Universiti Malaysia Perlis (UniMAP).

Johan bagi setiap kategori membawa pulang hadiah wang tunai RM10,000, manakala naib johan menerima RM8,000 dan tempat ketiga RM5,000.

Perasmian penutup dilakukan oleh Menteri Pendidikan Tinggi, Datuk Seri Dr Zambry Abd Kadir.

Penganjuran kali ini dilaksanakan dengan kerjasama UniKL, Tourism Malaysia dan Yayasan Perkasa Siswa.

Bertemakan ‘Bahasa Melayu: Jambatan Peradaban Global’, pertandingan pidato itu mendapat 174 penyertaan daripada 21 negara, termasuk Malaysia.

Dari jumlah itu, 99 peserta berjaya melayakkan diri ke peringkat saringan sebelum 50 peserta terbaik dipilih untuk bertanding pada peringkat pusingan awal.